

那文毅公奏議

那文毅公總統陝西軍務奏議卷三目錄

卷三

馬傑山之捷

擒賊首高遇春

追賊入甘

隴山鎮之捷

附覆奏賊匪情形

秀金山之捷

附恭謝

天恩

籌分三路兜剿

洮岷之捷

附彈劾

漳縣之捷

附覆奏官兵足用

嚴家壩之捷

那文毅公總統陝西軍務奏議卷三

男
容安恭輯

馬傑山之捷

嘉慶五年正月初五日會同西安將軍恒公瑞陝
西巡撫台公布

奏爲連日勦賊情形事竊賊匪竄出老林後各股俱竄
向東北內有一股又折回南竄漢陰大嶺經吉慶
寨鄉勇截殺二十餘名遂由鎮安紫溪河竄入楊
家河復經鳳凰嘴寨鐵廠舖寨鄉勇據險截擊賊
遂奪路奔走又經黃龍寨藤花寨鄉勇截住斃賊

三十餘名生擒二名餘賊仍向東北竄遁

臣等督

領綸布春桑吉斯塔爾等繞至山陽東溝地方截擊賊卽敗退翻山竄逸隨令步兵緊追綸布春等馳至馬傑山迎截前後進攻共殺賊三百四十餘名拏獲襄陽起事賊匪三十餘名賊匪竄至李家溝腦富盛阿長春等催令兵丁乘夜進攻短兵相接殺賊三十四名擒賊五名副將多爾濟札普叅將游棟雲等又由滴水巖追至梨樹均殺賊一百十餘名賊甫欲退回有騎馬賊目催逼衆賊迎拒經湖北兵丁王均相蔡純如放鎗擊斃又經兵丁

趙林砍倒持矛救應之賊始行潰竄官兵追擒活
賊八名將割取賊目首級令其辨認係賊目王掌
櫃又據碾子河鄉勇稟報殺賊四十餘名賈家坪
鄉勇稟報殺賊二十餘名擒賊二名現在各股賊
匪經官兵屢次截剿未能東出商維向西奔竄臣
恒瑞已趕緊前往江口洵陽壩一帶追擊臣那彥
成等卽帶兵由木旺坪馳赴手攀崖分路兜截所
有拏獲活賊內惟毛老三尚知賊情臣等詳加詢
問據稱我本姓王渾名叫毛老三襄陽人我這股
是冉學勝爲首屢被官兵追剿剩有一千多人又

在五郎盤屋山裏新近經過的安康山陽地方招收同教二三百人其餘兩股不知有多少人也不知添了人沒有南山裏習教人多我們路過各處常有跟上的也有跟了幾十天搶些衣服東西逃跑就近家裏去的人數或多或少原不能定准現在我們無一定的去向總往無兵處奔竄有馬隊處弓箭利害更不敢近原想在老林內藏身逃命不料此時官兵也能跟入老林追勦緊急祇得要向東走一路寨子又多前後官兵追截的緊不能一直東竄

臣

等詰以除冉學勝一股外那兩股是

孫

何人爲首高遇春是否在你們股內據供高遇春
是另股賊首聞得他說十幾路官兵不知從那裏
來的十分害怕要想私自逃走還有一股白號是
陳老三爲首曾與冉學勝等口角所以近來常不
合夥目下我們各股內因官兵緊追晝夜不得停
留受苦不過也有懊悔作賊的要想散夥各等語
良民何曾願爲賊首不肯各處聚聚無所事事
柳登不能知人不能定民皆賊之害不知等亦懼

餘無要供即將該犯正法查臣等進兵以來大小

打仗多次所殺賊俱係驗明首級耳記毫無粉飾

合計節次殲擒已有一千餘名何以每股賊匪爲

數尚多臣等往來山中細加察訪始知流寓之川

疏

所以不辦原爲人多故

卷三

三

楚安徽民人半習邪教伏而未動者甚多賊過之處卽有同教匪徒投入夥內時來時往實難察考今據賊目毛老三所供情形亦相符合然賊匪既畏官兵勢盛心生悔懼乘此趕緊勦辦自可日漸潰散如有投出之人應卽欽遵

殊

此二句是覽之

恩旨貸其一死妥爲安插其習邪教之人此時亦不便概行查辦致激成事端而增賊黨至毛老三之供內有高遇春私逃之語已密令地方官及各寨隨地偵緝該犯原籍河南並飛行知會吳熊光一體留心躡訪庶不致遠颺漏網勾結滋事謹

奏

嘉慶五年正月初十日軍機大臣字寄奉

上諭那彥成等奏連日勦賊情形一摺已於摺內批示此次張漢潮餘匪竄出老林後分投奔逸經那彥成等督率將弁緊追迎截共殺賊三百四十餘名拏獲襄陽起事賊匪三十餘名較之節次在老林追賊不過零星殲滅尚爲此善於彼前此賊匪竄入老林山徑險仄那彥成等率領勁兵在後追躡無所施其伎倆今賊匪旣出老林官兵屢次截擊未能東出商維向西奔竄正可趁此施展兵力一鼓殲除但昨據松筠奏川匪竄入陝境

者共有二萬餘人此等竄匪在川陝交界老林屯聚已久因探知陝省重兵全在南山老林搜捕是以乘間竄入那彥成前此調度不善實難辭咎計此旨到時如張漢潮餘匪奔竄之處距川省竄陝之賊尚遠那彥成竟當遵照前旨將張漢潮敗竄餘匪交與台布岱森保搜捕那彥成當酌量事機輕重以速赴沔縣辦理大股之賊爲是若張漢潮餘匪俱直向西奔竟與新竄沔縣之賊合夥此股竄匪本有二萬餘人卽加以張漢潮餘匪千餘亦不見其多而那彥成等一路官兵全行到彼合之額勒登保原帶官兵四千餘名並漢中現有兵勇聲

威更爲壯盛那彥成務當與額勒登保同心協力上緊堵剿趁此機會以期迅速集事至請留吉林兵丁或歸額勒登保統領或額勒登保與那彥成分帶伊二人酌量妥辦再摺內所稱習教之人此時亦不便概辦二語與朕昨降諭旨相合或勒或撫伊等務當相度機宜熟籌妥辦

擒賊首高遇春

嘉慶五年正月初七日會同陝西巡撫台公布

奏爲連日截剿賊匪並生擒賊首高遇春事

臣

等前在

東路剿賊訊明賊目確供業經具

奏在案

臣

等以賊匪出林復往來折竄必須分路兜截

不予以暇庶免勾結滋事隨督綸布春桑吉斯塔

爾分路由張溝截剿總兵觀祥協領富盛阿等山

七佛溝截剿

臣

等行過張溝三十里至廟臺子賊

匪乘雪大路滑竟敢蜂擁前來我兵奮力迎截至

兩時之久賊匪抵禦不住追殺三十餘里斃賊一

好

百二十六名擒賊二十一名觀祥富盛阿自七佛

溝行至夥底探賊在蓮花石地方四鼓冒雪進兵

截擊殺賊三十餘名擒賊二十七名出被擄男

婦四十一名口其時在前之賊已經官兵勒殺後

隊賊匪遂乘黑夜翻山逃逸北竄未遠復折回小

硃

油房溝潛伏路遇山西兵後隊鍋帳撲出搶掠經

可恨

協領全德帶領吉林官兵截住要路鎗箭齊發擊

斃賊匪三十餘名賊即撤上山梁相持良久復拚

硃

命撲下全德直前衝出一鎗斃賊二名奪獲賊馬

一匹官兵復殺賊匪捨命狂奔初無定向惟思糾

約同教匪徒益其黨與賊營中多有潛行逃出分
投勾結者臣等前訊賊供知賊首高遇春因官兵
追勒緊急有業經潛逃他處勾結之信密派員弁
改裝驪線探得高遇春逃匿在西河冷耀進冷耀
禮家內後扮作難民同冷耀進等家眷遷往紅山
洞行至蒿溝因卡寨盤詰嚴緊高遇春遂隻身東
竄臣等既偵探明確一面密飭地方官及卡寨鄉
勇嚴拏務獲一面飛咨河南撫臣一體偵緝茲據
署藍田縣知縣張瑗留心查察據縣屬張家坪民
人苗知高報信該縣卽赴張家坪在飯舖內將高

殊

遇春拏獲供認不諱並據孝義鄉勇將藏匿高遇春之冷耀進冷耀禮及高遇春差往九間房上請約勾結之毛添成范勝川一併拏獲該處距省較近已令將高遇春等押解省城由藩司馬慧裕等訊供具奏除將獲犯之鄉勇差役人民等優加獎賞外知縣張瑗留心查緝拏獲賊首可否量加鼓勵之處出自

聖恩再查高遇春與冉學勝原分兩股高遇春潛出勾結將現有賊夥交伊徒弟劉大掌櫃等管領此兩股賊匪時分時合串通一氣惟陳老三白號一股與

冉學勝等互爭有隙不常合夥自當乘此機會遵
旨設法用間離散賊黨臣等現已公同籌畫今臣那彥成
疏帶兵赴甘臣台布自當相機辦理使賊爲我用以
期逆黨內離收以賊攻賊之效謹

奏奉

硃批知道了

追賊入甘

嘉慶五年正月初七日會同西安將軍恒公瑞陝西巡撫台公布

奏爲遵

旨分兵赴甘剿賊事臣等於正月初四日欽奉十二月二十四日

諭旨臣等前由平樊崖龍王溝一帶剿賊恒瑞已分路由江口洵陽壩向東追賊臣等接松筠飛札知川匪已從盜羌奔竄畧陽沔縣地方復有賊匪滋擾賊數不下二萬人勢甚緊急臣等隨飛札恒瑞帶本

隊兵丁前往勦辦茲奉

聖諭以川匪竄近甘境令

臣

那彥成同恒瑞札克塔爾率

領吉林兵丁並添帶兵力速往勦辦毋令深入甘

境

臣

那彥成卽由東路馳回酌量分派除吉林兵

丁外並帶貴州固原等兵三千餘名同札克塔爾

綸布春等取道五郎洋縣前進現在

臣

那彥成行

抵油房溝距甘境尚一千餘里惟有趕緊行走沿

途探蹤追勦查川省竄匪爲數甚衆甘省地方又

係從前曾經賊竄之處路徑亦熟

臣

那彥成到彼

卽當奮力截殺不令深入甘境倘或千八陝省仍

卽合兵勦辦若能逼勦回川

臣

那彥成卽與額勒

登保協力會勦以期迅速歲事至總兵索費英阿
吉蘭泰從前原駐唐藏楊家店等處係在兩當之
東與鳳縣接壤該處南距畧陽尚有一三百餘里西
距棧道僅數十里係專堵陝賊入甘之路上年張
漢潮屢次由陝竄入甘境來往自如該鎮等未能
堵住因與松筠商酌令該鎮就近移駐草涼驛廢
邨關扼要防守是以陝省之賊聞知棧道有兵總
未竄向甘境昨因川匪竄近先期知會松筠令該
鎮等趕赴沔縣畧陽迎截俟

臣

那彥成到漢中時

再當督率該鎮等認真協剿毋任川匪蔓延滋擾
再查陝省山內賊匪雖係張漢潮餘黨而緊要賊
目皆在其中現在分爲三股恃險奔竄狡猾異常
逼剿緊急則賊勢畧散經過處則勾聚漸多數月
以來打仗數十次遇賊卽擊不予以食息之暇賊
匪心生畏懼勢漸離散設法用間招降正在此時
可辦剿賊情形似已稍有頭緒兵力一分難保其
不復行糾聚目下川匪大夥入甘固應先顧其急
臣那彥成帶往官兵亦不便過單然賊匪尚有三
股現留官兵祇須分路剿捕臣等公同商酌除儘

森保外酌留打仗出力之侍衛巴彥泰們欽保莫爾更額長勝保英柱等總兵觀祥副將多爾濟札普紒將游棟雲遊擊毛伏胡定泰都司劉滿貴董文珍等帶領直隸廣東等兵五千餘名隨臣台布當竭盡心力督率進剿務使盡絕根株不留餘孽以副

聖明委任謹

奏

嘉慶五年正月十四日軍機大臣字寄奉

上諭那彥成奏接據松筠知會因川匪竄近甘境卽率領

吉林兵丁並添派兵力速往勦辦不令深入甘境一摺
已於摺內詳細批示那彥成前此督兵深入老林追躡
張漢潮餘匪自謂盡心辦賊其實自趨拙路以致竄匪
西逃東竄而我之勁兵爲其牽綴又如明亮故態無所
施其長技皆那彥成調度失宜所致實難辭遲緩之咎
茲據奏稱賊匪旣出老林往來折竄那彥成督率兵勇
分路截勦並密派員弁改裝偵探將賊首高遇春及藏
匿高遇春之冷耀進冷耀禮等一並拏獲所辦差強人
意此時川省賊匪旣由寧羌奔竄畧陽已入徽縣那彥
成分派吉林官兵並帶貴州固原等兵同札克塔爾綸

布春等取道五郎洋縣探明賊蹤取捷追剿此行甚是
現在額勒登保已離川省那彥成由陝入甘彼此同在
一處剿賊無分畛域那彥成務當與額勒登保同心協
力繞出賊前迎頭堵截不可徒事尾追如將川省竄匪
卽在甘境剿滅淨盡回屬甚善否則務須將所有竄匪
逼剿回川以便併力辦理毋令賊匪深入甘境此爲最
要那彥成摺內稱與經畧額勒登保交好誼同兄弟夙
稱莫逆不至稍存意見等語那彥成與經畧額勒登保
素日卽屬相好但貧賤時稱爲莫逆及至富貴不免各
佔身分未必尚能如昔那彥成自當以公事爲重不可

存絲毫私見卽如阿桂從前辦理金川時與富德不和致相爭競富德因此獲罪正法此事是阿桂白璧微瑕那彥成諸事均當效法伊祖而於此一節當引以爲戒現在川省竄匪爲數不下二萬甘省地方係曾經賊匪滋擾之處如果能盡心竭力迅速戡事不但可贖前愆尚可更邀恩賞也

嘉慶五年正月初八日軍機大臣字寄奉

上諭那彥成係特派赴陝督辦軍務之人所有陝境各路軍營剿辦賊匪及防堵邊界要隘皆那彥成一人責任自應通盤籌畫妥爲經理乃那彥成自到陝後惟知追

勦張漢潮一股竄敗餘匪深入老林與賊匪相持數月
之久總未能痛加殲戮轉致川陝交界與老林藏匿之
賊匪又復乘間至沔縣一帶肆行焚掠而川省之賊匪
窺伺陝界兵備稍單亦大半竄至畧陽幸該處堵禦較
嚴將全股賊匪截回未令竄入甘境那彥成帶領生力
勁兵已有萬餘所辦張逆餘匪既未能得手又未能妥
爲布置以致竄匪紛紛闖入陝境又須經畧額勒登保
來陝督勦是此竄至沔縣畧陽之賊皆由那彥成辦理
不善所致且此時那彥成究在何處勦辦何賊亦尚未
據奏及著先傳旨申飭仍著遵照前旨將張漢潮餘黨

硃

再不准開白贖後題上至餘匪與及矣

交台布岱森保帶兵追勦肅清陝境毋得再有延緩並
將何時帶兵前往及現在勦辦賊匪情形迅速覆奏

嘉慶五年正月十二日會同西安將軍恒公瑞

奏爲帶兵已由襄城入棧追勦事竊臣那彥成前以川

匪由沔縣畧陽竄往甘省遵

旨分兵卽於初六日由油房溝起程赴甘省業已奏蒙

聖鑒查油房溝在五郎以東去鎮安交界不遠距甘境尚

有一千餘里

臣

那彥成由五郎洋縣城固兼程前

進

臣

恒瑞已由車路孝義星夜趕來於初十日先

後行抵漢中步隊官兵於十一日始行到齊臣等

於途次奉到十二月二十六日

諭旨令德楞泰與臣那彥成併力進剿頃又欽奉十二月

二十九日

諭旨以臣那彥成一路距甘尚遠老林竄出餘匪正可趕
緊剿辦不必拘泥前

旨捨近就遠

命臣那彥成斟酌辦理復查老林竄出之賊已分兵交岱
森保親催多爾濟札普富盛阿等剿辦現據留壩
同知禮縣等稟報川匪約有二萬餘人由畧陽竄
至甘省徽縣又分一大股竄至兩當之酒店溝是

賊踪業已竄近棧道臣等既至漢中入棧較近若

復行折回事辦老林竄出之賊道路實屬紆遠且

德楞泰之兵因道路較遠尚未趕到額勒登保是

否亦帶兵赴甘未得確信臣等審察賊情與松筠

再三籌酌現在川匪人數甚多勢頗猖獗現已距

棧不遠並無大兵截勦設若由棧道北竄峪外平

地滋擾蔓延更關緊要臣等不敢拘泥現奉

諭旨已迅即帶領馬步官兵由褒城前進上緊追截若賊

已過棧竄入南山仍可跟踪進勦與台布併力勦

辦臣等身膺重寄未能迅速職事上厪

宸衷萬分焦急茲蒙

訓飭慚懼悚無地自容惟竭盡心力趕辦剿賊斷不敢
拾近就遠避難趨易至奉

旨垂詢勦捕一事有何受病根由令臣等據實陳奏仰見
皇上厯念軍務

宵旰焦勞臣等受

恩深重不能爲

聖主分憂深恐有負

委任節次具奏賊情俱係據實直陳不敢於

君上之前絲毫欺飾如有實在爲難之處容臣等詳悉熟

籌另行奏請

訓示謹

奏

嘉慶五年正月十九日軍機大臣字寄奉

上諭據那彥成等奏由襄城入棧追剿一節川省竄匪已
擾至嶽縣兩當那彥成等因帶兵行抵漢中入棧較近
卽由襄城前進相機追截並不拘泥前旨所見甚是惟
據稱賊匪若已過棧竄入南山仍可跟蹤進剿此則非
計此等竄竄匪徒正當乘其逸至平衍地方併力奮擊
精兵勁旅得展所長方可易於撲滅萬一復令竄入山

內則官兵冒險輕進又成前此深入老林徒疲兵力之事現據額勒登保奏甘境之賊約有二萬川境名股止有萬餘其闖入楚境者卽如倭什布所奏亦不過五千合之張漢潮餘匪二三千統計不及四萬而各路大兵爲數增倍况賊中大半係裹脅難民並非盡係鉅賊額勒登保那彥成等惟當同心協力上緊勦辦毋稽時日

硃

必須於三月內肅清

嘉慶五年正月二十四日軍機大臣字寄奉

硃

上諭前據額勒登保奏由達州起程前赴甘省勦辦竄匪並降旨令那彥成速赴該處會勦本日據楊揆奏高家營等股賊匪分投折竄已由秦州西和禮縣一帶前竄

深焦急之至

已閱多日未見奏報不知改等現在何地

殊

卷三

總未言及

殊

是二人

如此

伏羌焚掠是甘省情形甚爲緊要而摺內額勒登保那

彥成尚未趕到朕盼望軍報朝夕焦勞豈伊二人帶兵

剿賊尚復從容按站行走耶在伊二人之意若以追趕

過急恐賊匪轉致深入西北殊不知賊匪斷無在中途

停待等候官兵趕上之理若任其奔竄西北豈竟聽彼

直出嘉峪關外乎現在楊揆慶成已帶兵截住西北額

勒登保那彥成應由東南秦鞏一帶兜擊此時賊匪已

出老林甘肅秦鞏一路俱係土山平行正可施展兵力

上緊追剿未必非極好機會額勒登保那彥成當與楊

揆等兩面夾攻痛加殲戮卽在甘省藏事方爲愜慰此

四股賊匪雖有二萬餘人其中裹脅居多而各處勁兵皆在此一路額勒登保那彥成必須上緊會勦務於春三月前一律完竣若遲至夏令麥熟賊匪又得掠食且雨水連綿氣候蒸熱辦理更爲費手額勒登保那彥成不可不倍加奮勉迅速藏功以副朕委任也

嘉慶五年正月二十七日軍機大臣字寄奉

上諭額勒登保等奏會籌入甘勦賊一摺已於摺內批示據稱高姓等股賊匪在秦州徽縣等處分竄那彥成等已帶兵取道鳳縣從兩當前進額勒登保徑出棧道趕赴隴州截勦適遇德楞泰帶兵來陝在西鄉地方猝遇

伍金柱一股賊匪當卽派兵追剿殺賊三百餘人伍金柱之名從前未據奏及是否係由川分竄入陝之賊抑係別股賊匪經官兵剿殺後又遁入老林實爲可恨總由帶兵大員等未能將老林出入要路先行派兵把截以致賊匪又復潛入藏匿其高姓等賊匪現在那彥成等或已遇賊接仗乘機截殺此時額勒登保帶兵從東北進擊正可併力截剿至額勒登保以川省賊匪所存股數無多德楞額已到襄城應卽令由兩當進發與那彥成等兩面夾攻一節川省之賊因彼處無可掠食是以竄入甘境現經額勒登保等合兵追剿自未必仍折

殊

回川必思竄至陝省而陝境石泉一帶現據台布奏稱
又有川省竄匪搶渡過江距城甚近該處兵力較單難
以堵禦看來賊匪彼此勾通竟有分掣官兵之勢倘竄
往甘省之賊或又乘間折回東竄則陝省未經被賊之
區復遭蹂躪甚有關係現在西路追剿賊匪已有額勒
登保與那彥成之兵又有楊保等所屬之兵併力夾擊足資搜捕德楞泰自應
卽赴陝省會同台布勦辦石泉之賊並防甘省竄匪折
回陝境方不至顧此失彼額勒登保惟當與那彥成等
將甘省之賊速行勦除其陝境之賊交德楞泰與台布
等勦辦所有在西鄉殺賊陣亡之都司馬濤千總游金

階俱著咨部賜卹

嘉慶五年正月二十九日軍機大臣字寄奉

上諭川陝各股竄匪輾轉奔逃四載有餘各路帶兵官員雖分投追捕不得要領總未痛加截殺勦盡一股究因額勒登保那彥成等不能先事布置辦理遲延所致現據魁倫奏竄入畧陽賊匪欲赴甘省搶馬直趨成都雖係地方官稟報之詞得自傳聞但朕揣度賊情該匪等現由寧江畧陽竄入甘境後自不肯直向西趨逸出嘉峪關外亦無逼令出關之理賊匪詭計必圖由階文一帶繞及川南川西繁庶之區乘虛搶掠是白水江一路

防堵尤關緊要此時那彥成已從兩當進剿而楊揆慶
成等亦帶兵馳赴鞏昌相機堵截該處似係土山平衍
迥非老林正可施展兵力額勒登保務須與那彥成等
併力合擊並於階文一帶嚴密堵禦切不可任賊匪由
小路竄入川境完善地方以致剿辦費手其陝省未經
被賊處所亦應一律堵禦勿令賊匪得以蹂躪至石泉
屯聚賊匪有台布在彼追捕現又令德楞泰馳赴該處
協剿長齡亦將次抵任惟應確探賊蹤併力堵截總在
甘省勦盡勿令逃入老林又致稽誅延喘爲要各路帶
兵官員業經遲悞四年當此賊匪分竄之時尤應上緊

勦辦卽在甘省境內設法攻圍於三月以內將各股竄
匪速行勦竣方爲不負委任總之官兵擊賊匪能奮迅
直前將賊匪痛勦一二次則該匪等自必聞風膽落漸
成潰散而附近民人亦不敢心生反側致與賊匪勾合
可期以次殲除額勒登保那彥成等及各路帶兵官員
或勦或堵總係同辦一事惟當同心合力尅期奏績果
能將分竄賊匪堵禦嚴密殲洗淨盡則酬庸之典朕斷
不遺一人若惟知各顧各路卽能勦辦一股而別股賊
匪仍在奔逃朕亦斷不卽加賞恩卽如魁倫現雖將川
省賊匪逼逐出境而陝甘分竄之賊實由川省逸出並

不以川省賊匪股數較少卽將魁倫加之賞恩也

隴山鎮之捷 附覆奏賊匪情形

嘉慶五年正月二十九日會同西安將軍恒公瑞
奏前因川匪竄至徽縣兩當已近棧道 臣等卽由襄城
入棧行抵鳳嶺擬從楊家店太渠前進途次接據
各州縣稟報徽縣兩當大股賊匪窺伺棧道欲竄
南山聞有大兵前來已合夥北竄三岔廳直渡渭
河至隴州清水秦安縣境內滋擾查隴州係鳳翔
所屬已在渭河北岸探知賊匪人數衆多到處搶
掠驛馬行走迅速北面無兵攔截賊匪若直趨東
北卽可抄至西安官兵如由兩當前進恐愈驅向

東北更屬非計

臣

等祇可改道由寶雞星夜出棧

趕赴隴州茲於二十五日行至清水縣之恭門鎮

探明賊匪直趨東北沿途焚殺勢甚猖獗已到隴

山鎮地方附近該處三十里內如邵家莊太顏城

楸木樹西溝等處村莊屯聚皆滿

臣

等隨將所帶

馬步官兵分派三路令副都統札克塔爾頭等侍

衛多隆武副將九十李天林遊擊安慶等爲右隊

副都統銜綸布春桑吉斯塔爾叅將朱士奉等爲

左隊

臣

等帶領頭等侍衛江鼎二等侍衛阿傑護

軍叅領富蘭副將海常叅將蕭福祿等爲中路二

十六日子刻發兵馳至隴山鎮地方天甫黎明賊匪正在齊集起身不意大兵趕到悉上汪家山梁排列迎拒察看汪家山南北橫亘梁頂寬平白山麓至巔直礮層疊前阻溪河賊匪佔據山梁又有賊衆在直礮上分三層排列旗幟甚多官兵若祇由正面上山仰攻未易得手且川匪每於打仗時從兩旁潛行抄截亦須預爲防備遂令札克塔爾等由右首進攻綸布春桑吉斯塔爾等由左首進攻萬彪等鄉勇由正路上攻臣等居中督策並將下山抄截之路派兵悉行截住賊匪見官兵渡河

進攻有賊目數十人在山頂馳馬往來指揮羣賊從上壓下我兵擊退後賊仍恃其人衆極力衝壓數次勢甚兇悍維時馬步官兵人人振奮卽萬彪劉學濂所帶鄉勇亦皆不避鎗礮奮迅直前共殺賊六百餘名擒賊九十七名搶上山梁賊始紛紛潰亂分爲三股奔竄官兵三路緊追鎗箭均無虛發又殺賊一千六百餘名割取首級內認有僞元帥魏學勝之弟魏學林前戰先鋒嚴士沛閻性等擒獲僞副帥余禮賊目劉見志呂未簡楊正宗四名餘賊六百二十三名沿途在窟內搜獲及鄉民

擒獻逸匪又有一百九名此次追殺賊匪經過隴
州清水秦靜寧四州縣地方一百餘里翻越汪
家山八圖溝梁高廟金凌梁四重大山殲擒賊匪
共三千餘名搶獲大帥字旗一桿前戰先鋒前步
先鋒及黃號白號紅號藍號旗七十五桿烏鎗刀
矛三千三百零四件騾馬牛羊三千餘隻馬鞍五
百餘副又散出難民一千餘人且有被賊拴繫項
帶鐵鎖在沿途跪迎大兵叩頭者又復無數俱酌
加卹賞遣回安業所有擒獲活賊除誅明正法外
並提出數十名押送被賊焚殺各村莊令村民自

行轡割以快民心再查此次打仗祇有黑龍江兵
富靈額德克登額身受微傷亦不甚重所有打仗
出力人員容_臣等查明另行保奏至秦州賊匪已
分竄西和禮縣伏羌岷州境內此時若仍折回_臣
等現勦之賊又竄秦州均可由徽兩至棧道往南
山_臣等現至隴秦一帶雖已截住竄往東北之路
深以棧內空虛爲慮頃接松筠知會經畧額勒登
保已由慶城入棧前進於勦捕機宜實爲允協_臣
等惟有相機截擊和衷協力以期迅速肅事至_臣
那彥成本督辦陝西軍務今旣移師入甘額勒登

保亦至甘省自應受其節制與叅贊德楞泰在川
勦賊時事同一例合無仰懇

聖恩授臣叅贊以符體制而一事權謹

奏

嘉慶五年二月初四日

授軍務叅贊大臣奉

上諭那彥成督率官兵由寶雞出棧馳抵隴州清水一帶
乘賊匪屯聚隴山鎮地方馬步兵丁分爲三路搶上山
梁痛加殲戮殺賊二千二百餘名擒獲七百餘名並生
擒僞副帥余禮賊目劉見志呂未爵楊正宗四名奪獲

旗矛鳥鎗甚多騾馬牛羊三千餘頭匹並救出被裹難民千餘名甚屬奮勇可嘉著授爲叅贊大臣賞給喜字玉搬指金盒大小荷包等件仍著交部議敘恒瑞札克塔爾桑吉斯塔爾綸布春均屬奮勉恒瑞札克塔爾各賞玉搬指銀絲盒大小荷包札克塔爾並著賞給瑚爾察巴圖魯名號照例賞銀一百兩桑吉斯塔爾綸布春賞給玉搬指火鐮包大小荷包仍俱著交部議敘其在此事出力人員著那彥成查明具奏朕酌量加恩以示鼓勵

嘉慶五年正月二十九日

臣欽奉

諭旨以勦捕數年尚未蒞事必有受病根由令臣據實陳奏查陝境亂民本非鉅賊其狡黠伎倆在於善走善分無論道路險易日行一百數十里探知何路無兵卽向何路奔竄遇有官兵截住卽據險迎撲一時衝撲不動賊衆卽先返走隨分作數十處四散奔逃翻越重山散而復聚若賊首已被殲擒其次賊目卽爲賊首若賊衆被官兵截斷一股卽分爲兩股或分爲三四股每股之中又各以一賊爲首縱使勦剩二三百人仍可糾約同教及咽喉紅

竅匪徒益其黨與隨分隨聚人數日多其中無賴棍徒尋常犯法曾經官爲懲治今入賊夥則報復仇隙恣意焚殺搶奪無所不至故每以附從賊匪爲樂此等雖本非邪教亦斷不肯就撫投出卽被官兵擊散而他股過時仍復附從滋事卽如川省之賊經額勒登保德楞泰等節次痛剿賊數實已大減而自川竄入甘省轉復增多分爲四大股四股中又分多股此不能立時撲滅之實情也各省調派官兵從征至數年之久衝冒雨雪奔馳險峻倍極辛勤每兵身負鳥銃鉛藥腰刀銅罐等項不

下二十餘觔當追賊緊急時每日趕行不下百數
十里到營後掘壕造飯尚不能卽時休息每行數
日各隊俱有落後之兵而患病留養陣亡傷故兵
丁仍不在此數內核計現有之兵實不及原調額
數且各省兵丁不齊雲貴廣東兵素爲勇捷能行
山險直隸山東固原舊兵習練已久打仗亦尙奮
勇其餘別省兵丁皆不及此數省若山西陝西之
兵不過充備兵數尤不足恃卽

盛京吉林索倫兵丁最爲勁旅而

盛京官兵素未出兵似不及吉林索倫兵之能耐辛苦

目下若將原調官兵甄別裁撤而各省多係新兵
無可更調更不如舊兵練習卽帶兵官員內奮勇
者不可多得其餘多係中材每因出征日久系念
家室壯志漸隳甚至有畏難苟安之人以獲譴革
退早離軍營爲幸若將帶兵將領遣回本營另行
更調未必彼勝於此且恐於軍營道路賊情多不
熟悉臣惟有駕馭撫綏因人策勵以收指臂之效
其中健將勁兵尤當加意愛惜及鋒而用斷不肯
令其冒險輕試稍致虧損此官兵等差不同祇可
量才調遣之實情也至於賊匪分竄地方皆係深

山僻地山中食物本少又經賊匪搶掠一空物價異常昂貴兵丁裹帶口糧勒賊數日卽盡不得不以貴價買食勢不能等候糧運舍賊不追而糧運夫役負重登山行走較緩且賊匪出沒無常若不預先探明卽被搶掠逐日移營糧石斷難趕上此糧運艱阻士不宿飽之實情也又堅壁清野之法最爲制賊良策陝省民人屢經臣與台布勸諭多已修築堡寨查五郎以西民情究屬散漫團勇全不足恃五郎以東因山據險辦理雖較嚴密然亦祇將老弱眷口搬移寨內其糧食猪隻富者恐貧

者分用不肯全運入寨仍爲賊匪掠取且寨內民人賊過卽行下山營生力作猝遇賊匪折回奔避不及往往被賊裹去是以賊夥每有增添而賊糧亦不致斷絕此外尚有無知愚民愛護房屋預留食物在家使賊喜於得食藉免焚燒又有同教匪徒投入賊夥助其搶掠十餘日後仍行潛回此不但陝省爲然近日拏獲甘省賊匪卽有平日習教之人從後回家搬取眷屬亦與陝省情形相仿此民心不齊賊匪尚得苟延殘喘也以上謹就臣見聞所及據實陳奏謹

奏

嘉慶五年二月初四日軍機大臣字寄奉

上諭那彥成自前月十九日奏到後旬餘以來未據奏報
剿賊情形正深焦急節經降旨飭催茲據遞到六百里
奏報在隴州清水隴山鎮汪家山梁殲擒賊匪共有三
千餘名此那彥成出兵剿賊以來第一勝仗甚屬可嘉
覽奏深爲欣慰已另降明發諭旨將那彥成授爲叅贊
大臣與恒瑞札克塔爾桑吉斯塔爾綸布春分別加恩
賞賚並交部議敘其餘出力人員著那彥成查明具奏
候朕加恩矣此次竄往徽縣兩當大股賊匪渡過渭河

至隴州清水秦安境內滋擾那彥成改道由寶雞星夜
出棧趕赴隴州清水爲迎頭截擊之計乘賊匪屯聚隴
山鎮地方分投搶上山梁痛加殲戮倘從後尾追焉能
得此勝仗可見行軍之道總在察探賊匪奔竄之路預
爲迎擊則官兵所向無不如志此時賊匪自必聞風喪
膽已分竄西河禮縣等處那彥成於秦隴一帶截住竄
往東北之路而額勒登保山襄城入棧前進那彥成正
可與經畧會合夾擊卽在甘省界內滅此大股賊匪實
所厚望至那彥成旣與經畧額勒登保同在甘省辦賊
自應受其節制本欲将那彥成授爲叅贊今那彥成自

行懇請並稱和衷協力所見甚是况前次軍營叅贊原
有二員明亮之缺自應將那彥成補授所有欽差大臣
關防著卽移交經畧額勒登保收存俟大功告竣與從
前經畧印信一併繳進此時額勒登保酌量情形若西
和禮縣一帶分股賊匪將次勦竣實在窮蹙可以放心
交那彥成接辦額勒登保方可遵照前旨由階文一路
速赴川西與魁倫併力勦辦其陝甘分股餘匪及南山
石泉等處賊匪俱責成那彥成一手勦辦俟辦竣時如
湖北竹山竹谿竄匪尚未勦滅則那彥成竟當帶領勝
兵前往湖北與松筠迅勦成功彼時川省勦賊之事如

尚未竣那彥成再赴川協勦那彥成現爲叅贊總當俟
各處賊匪一律肅清與經畧等奏凱還京同膺懋賞至
賊匪褻脅良民凌虐萬狀見官兵到彼叩頭跪迎可見
賊匪肆意慘毒百姓痛恨切骨惟望官兵速到以解倒
懸那彥成正當趁此機會出示廣爲曉諭以教匪滋事
以來焚毀村莊擄掠男婦殘忍逼脅無所不至朝廷憐
憫爾等慘遭荼毒命將出師分股勦捕四載於茲所撥
內帑數千餘萬無非欲速靖賊氛奠安閭里况爾等爲
賊褻脅不特室廬被其焚毀貲財被其搶掠且身被鎖
繫困苦已極今投出之人卽曾經從賊者亦釋其前罪

送歸故里得以完聚其被難良民無不優加體卹各遂
其生爾等具有天良斷不可因賊匪逼脅甘心附從務
當各團鄉勇自衛室家賊至則奮勇堵禦賊去則仍安
生業方不負朝廷百數十年來愛養保護之恩如此割
切曉諭自可堅人心而散賊黨於勦辦機宜更爲有益
其投出難民必當遵照屢次安撫諭旨交各地方官妥
爲收卹然其中有曾經從賊之人亦不可不密爲留意
或遞回原籍或分別安置不可留在軍營或爲賊探送
消息所謂受降如受敵那彥成更當加意慎重又另摺
奏勦賊難辦實情朕俱早經深悉然帶兵大員果能齊

心出力亦必無難辦之事至所稱糧運往往不能接濟一節現在所獲賊匪騾馬牛羊三千餘頭此項騾馬既可爲官兵騎用而牛羊尤可接濟官兵口食亦於軍儲有裨又本日閱刑部核擬湖北武童阮安國控案伊於從前教匪滋事時隨營効力曾經總兵賞給行營把總又經遊擊加賞千總勒保未經准行所辦尚是國家名器豈伊等所得擅行濫賞嗣後各路軍營遇有出力兵勇惟經畧及叅贊得以酌量賞給頂戴仍行隨時具奏其餘帶兵各員不得擅自賞給其有實在出力兵勇准其開列名單保薦呈送經畧叅贊核辦以杜冒功濫賞

之漸再那彥齊前於

天壇齋宮值宿曠去退出乾清門茲因那彥成奮勉奏績
已另降諭旨仍在乾清門行走並著那彥齊將那彥成
勦賊得勝特授叅贊優敘賞賚之處告知那彥成之母
俾聞知心喜以示恩眷並著那彥成於會晤經畧額勒
登保時將此旨給與閱看仍著將與經畧會合後如何
奮勇勦賊情形迅速馳奏

秀金山之捷

附恭謝

天恩

嘉慶五年二月初九日會同叅贊大臣德公楞泰

西安將軍恒公瑞

奏爲秀金山剿賊並逼過渭河南岸乃賊匪自汪家山
奔竄因官兵緊追兜住北面復折而南竄西南可
達伏羌東南可達秦安並有戴家營分出蔡掌櫃
一股亦自黑河竄來合夥臣那彥成隨緊追躡前
進臣恒瑞帶領總兵凝德等於二十九日自楊山
川分路由秦安兜截二月初二日途次據民人稟
知賊匪已從太平嶺折竄伏羌縣城鎗聲不絕臣

恒瑞以該縣並無官兵防堵恐賊乘虛攻撲卽帶兵趕赴救援及抵伏羌始知該縣城上試演鎗礮遂至訛傳有賊其時總兵凝德等帶兵四百名防護鍋帳在後行走離大隊尚有四十里適遇賊匪三四千人竄至右手山梁官兵以寡不敵衆稟請徑往伏羌趕歸大隊凝德面加曉諭隨親率將弁帶兵四百名排列一小山包上賊匪見官兵人少從大梁壓下蜂擁而至官兵排鎗抵禦斃賊三十餘名又有騎馬賊匪繞至後路撲上官兵兩面受敵不能分擊凝德射死二賊力竭陣亡叅將七德

保蘇克東阿遊擊陸兆熊都司巴金保守備穆起榮同時陣亡並陣亡兵受傷弁兵九十餘名臣恒瑞自伏羌聞信帶兵馳回正遇賊匪迎來奮力截擊殺賊六十餘名時已昏黑賊始竄去是日臣那彥成自蘇江溝地方二鼓拔營前進偵知賊匪在八里灣柳樹溝屯劄其前股賊匪在牛蹄鎮下店子住劄相聯十餘里當卽趕緊馳往初三日黎明行至八里灣山上賊匪熟睡未醒令札克塔爾綸布春桑吉斯塔爾侍衛江鼎等帶兵往剿賊見官兵已至齊聲驚喊村內賊匪跣足狂奔柳樹灣內

有賊匪百餘人持白旗趕出被我兵層層圍裹復
退回村中民房伏匿一一搜出殺斃其時牛蹄鎮
賊匪業經聞信齊上秀金山排列接應迎拒官兵
該處土山連續有五層山梁左右皆有路逕可通
我兵乘勝追賊連搶兩山包賊匪矛手從第三層
山梁拚命撲來施放鎗礮我兵奮力迎擊直搶過
第五層山梁奪獲大礮四尊方欲趕下而對面山
梁大隊賊匪又分爲三股一股從正路抗拒兩股
從兩旁埋伏抄截札克塔爾等分投截殺猶有兇
悍賊匪搖旗吶喊以綿襖蒙首持矛低頭撲進札

克塔爾帶兵超衆壓下有一賊直前戮傷所騎馬
匹吉林領催常安急放一鎗擊斃此賊受傷之馬
倒而復起札克塔爾乘馬復戰又有騎馬賊匪趕
來常安連放兩鎗將賊匪人馬全行擊斃綸布春
又衝入賊隊有持黑旗賊匪數人持矛直刺經綸
布春連射數賊始稍却退固原兵丁齊放排鎗各
領隊及侍衛章京將弁等往來衝壓多次所殲者
盡係白布纏頭真正教匪在山包上又斃三百餘
名賊匪抵敵不住敗回高山梁臣德楞泰臣恒
瑞俱帶兵兩路趕來賊卽紛紛滾岩逃竄兩次打

仗共殺賊四百八十餘名割認首級內有辛聰之弟三元帥混號弔弓子一名拏獲探馬頭趙迎祥一名活賊舒吉才等二十五名又官兵等趕殺賊匪捉獲幼孩多人詢明實係川匪子弟及現無親屬者仍給官兵外其餘三百餘名係賊匪在甘所攜已令地方官派委妥役送回各莊給親完聚查北竄賊匪原係王廷詔楊開甲一股與辛聰辛斗等合成大股自前次剿殺後向西南奔竄又與蔡掌櫃等一股合夥此次復經官兵擊敗各股已過渭河南岸竄往秦州西南並詢據活賊供稱有官

兵鎗箭利害不如仍回四川之語惟西路寧羌禮
縣一帶賊匪屯聚之處與鞏昌伏羌相近仍恐窺
伺東北臣德楞泰已帶兵躡勦王廷詔等股賊匪
臣那彥成卽取道伏羌迎擊寧遠等處賊匪總期
東西兩路之賊均可不致北竄以期迅速殲除謹
奏

嘉慶五年二月十五日軍機大臣字寄奉

上諭那彥成等奏秀金山勦賊並逼過渭河南岸情形一
摺覽奏欣慰甘省竄匪因官兵逼勦折向南竄經那彥
成等緊躡前進在秀金山分路截殺斃賊四百八十餘

名且皆白布纏頭真正教匪所辦甚好那彥成前在隴
州痛殲賊匪之後兵威已震士氣奮揚是以躡踪追剿
連次克捷看來那彥成一路已經得手可期乘勝直前
將賊匪速行撲滅此次德楞泰恒瑞祇係隨後趕到帶
兵協剿而搶佔山梁往來衝壓施放排鎗俱係那彥成
所帶兵丁實爲奮勇出力該兵丁等自在陝剿賊以來
未經獎賞今於打仗得勝後此次又復殺賊多名深爲
可嘉所有那彥成本隊兵丁著加恩賞給一月錢糧以
示鼓勵其帶兵奮勇各員內扎克塔爾本係御前侍衛
副都統已加恩陞授護軍統領綸布春桑吉斯塔爾二

人亦已加恩補授副都統實缺並著那彥成傳知伊三人俾其倍加感奮領催常安著加恩以藍翎侍衛陞用至德楞泰已節次諭令由階文一帶前赴川西著卽帶兵迅速前往其所追王廷詔一股賊匪現亦有折回四川之語德楞泰如能順路剿殺同屬甚善但此時川西情形較甘省甚爲著重其現在甘境之賊著那彥成與恒瑞酌籌或分或合併力截擊俾德楞泰以速赴川西爲要至那彥成連次打仗已操勝勢惟當督率官兵趕緊相機截擊本年雖係閏四月節氣稍遲但一交夏令氣候炎熱兼有雨水泥濘之處那彥成當與額勒登保

會商務須於雨水未盛之前將各股竄匪速行勦盡勿再遲延所有在途遇賊打仗陣亡之總兵疑德泰將七德保蘇克東阿遊擊陸兆熊都司巴金保守備穆起榮俱著各部賜卹

嘉慶五年二月十一日

奏爲恭謝

天恩事竊臣欽奉

上諭那彥成此次帶兵勦賊甚屬奮勉可嘉著授爲叅贊大臣賞給喜字玉搬指一個金盒一個珊瑚豆大荷包一對小荷包四個仍著交部議敘欽此臣仰蒙

委任深恩帶兵入甘前於隴山鎮汪家山地方打仗所賴
將士用命得以痛殲賊衆臣督率諸軍愧無出力
之處乃荷

溫綸褒獎

授爲叅贊大臣欣感之餘尤深悚惕伏念叅贊居經畧之
次協贊機宜最爲重任臣未嫻軍旅渥受

寵榮並蒙

頒賜多珍

特加甄敘

隆施稠疊欽感難名臣惟有盡心竭力協同經畧額勒登

保和衷妥辦亦不敢因列名居次稍有推諉以仰副

聖主鼓勵成全至意謹

奏奉

硃批知道了

嘉慶五年二月十一日

奏竊

臣仰蒙

恩命帶兵勦賊自入甘省以來雖屢次痛殲賊衆尚未殲擒賊首撲滅各股時深愧悚與經畧額勒登保合兵後幫同勦辦務期同心協力早奏蕩平上慰

聖懷厯注伏思額勒登保久諸軍旅秉性公忠與臣本屬
世交至好一切軍務無不虛衷商酌盡心指導臣
年輕識淺初次出兵隨同學習行走深得師資之
益現在各路已分派將領兜截臣與額勒登保同
在一路勦賊惟有和衷商辦仰副

聖主訓誨委任之至意謹

奏奉

硃批覽

嘉慶五年二月十六日軍機大臣字寄奉

上諭朕將四川陝甘湖北各路勦賊情形通盤籌畫此時

嘉陵江西岸分竄賊匪尤爲緊要不可不迅速殄平蓋
緣川西一帶如重慶潼川各府地方蕃庶爲賊匪素所
窺伺今一旦乘間竄往該處百姓又未築堡防守自必
肆行焚掠前日魁倫摺內卽稱蓬溪附郭村莊燒燬並
見有被賊殺害屍身之語則賊匪兇焰頗張荼毒生靈

殊

食不流

不知凡幾朕心深爲憫惻前川匪竄往甘境據那彥成
奏賊匪裹掠牛羊馬匹有二三千之多甘肅地方瘠薄
尚且如此何況川西富庶之區乎至村民被其追脅畏
死貪生附從者又不可勝計况精華所聚皆在川西自
勘辦川東川北邪匪以來雖所用軍需銀兩由部庫發

殊

刻不能耐

江滋擾附近地方被劫室廬蕩然焉能接濟川東川北
賊匪有日增之勢而官兵多支絀之虞如此滋蔓難圖
何日始能竣事朕晝夜焦急惟望德楞泰接奉前旨星
夜趕赴川西幫同魁倫上緊剿辦以川西甘肅目下賊
情而論甘省卽無那彥成兩次痛斂之事亦當以川西
爲急德楞泰必應迅速趕往况甘肅連獲勝仗已經得
手額勒登保現在帶領多兵又有廣厚吉蘭泰慶成等
率領甘涼兵協助該處兵多將廣又何需德楞泰一人
前此額勒登保冒昧徑赴甘省德楞泰又接續前往經

畧泰贊同時離川以致賊匪乘間搶渡嘉陵江擾及川西完善之地伊二人已難辭咎此時德楞泰務須加緊加快速赴川西現又催令勒保前往帶領現調黔兵幫同剿辦若能卽在川西地方將竄匪全數撲滅固所深望否則亦當驅賊折回川江之東北以便合力剿除勿使賊匪在川西蔓延此爲最要至額勒登保自帶兵赴甘以來本月初六日奏報祇係籌辦截剿賊匪情形並未與賊接仗額勒登保素爲勇往不辭勞瘁自斷不肯稍有遲延但十餘日來未據續有奏報殊爲懸盼額勒登保那彥成德楞泰總須趕緊剿辦務於山水未盛之

前將各股竄匪速行剿盡不可再有遲延

分三路兜剿

嘉慶五年二月十一日會同經畧大臣額公勒登保
奏爲會商勦辦甘肅省賊匪並知會德楞泰卽日赴川
及籌辦陝楚竄匪事竊臣額勒登保前於隴州之
固關

奏明由平涼一帶攔截賊匪控扼東北大路該匪等聞
風奔逃漸趨西南臣遂改由莊浪靜寧泰安一帶
星馳前進初九日與臣那彥成在觀子鎮會合查
甘省之西南岷州西固階州文縣等邊境處處毘
連番界而階文以南均通四川龍安其洮縣緊接

岷州等處則又在岷階之裏層迤東則係成縣徽
縣兩當爲入陝棧道之路目下各股竄匪經臣那
彥成兩次截勦已不敢竄向東北惟西面一帶節
據地方官稟報岷州之賊多向禮縣逃竄而階州
之賊又延及洮岷邊界趨向未定德楞泰所勦之
楊開甲等股已向成縣奔逃疊據稱報德楞泰在
成縣之段家河余家坡等處斬獲甚多甘省之賊
現在以禮縣爲最重其次則洮岷慮其仍竄西北
我兵若全從禮縣進發則洮岷之賊或轉在我兵
之後又爲牽綴臣等再四思維將現有兵力酌分

三路綸布春桑吉斯塔爾楊遇春爲一路岱森保
格布舍穆克登布爲一路由禮縣分投進擊其洮
岷一路亦關緊要派恒瑞慶成等爲一路卽從寧
遠一帶前進非唯杜其竄赴鞏昌之路如果賊匪
有折竄龍安之勢亦可從西固文縣覓路抄截臣
等又恐禮縣之賊被勦情急復折西北臣那彥成
現帶札克塔爾等由柳家坡地方遏截賊匪北竄
並策應禮縣進發官兵如賊已南竄臣等卽會同
相機逼進以期賊匪不致再有延蔓此現在籌辦
甘省賊情也日前臣等連奉

諭旨知川省賊匪已搶渡嘉陵江西岸

臣

額勒登保並接

魁倫來信知賊匪由遠縣之石盤沱梟水奪船搶

渡聞信之下實深焦憤

臣

額勒登保前此

奏請前來陝甘實緣接有松筠來信以竄匪等勢甚鴟

張不得不親自督兵勦辦維時川中僅有冉添元

徐添德張子聰等股賊匪是以交德楞泰魁倫勦

辦並非避重就輕輒離川境德楞泰追賊入陝不

能卽回川省竊計魁倫一路尚有兵八千餘名兼

有提督七十五等帶領兵勇五千人以之截勦各

股賊匪卽或一時不能撲滅亦當不致別生枝節

孰料臣甫經離川該匪等於正月十五日卽有竄
過嘉陵江之事此實臣額勒登保辦理不善所致
聖主卽不立加治罪而寸心負疚無地自容茲恐魁倫一
路官兵未能撲滅查德楞泰所勦楊開甲等股賊
匪已屬有限應交吉蘭泰勦辦現在官兵又俱向
禮縣而進去成縣不遠更可爲吉蘭泰聲援臣額
勒登保已飛行知會德楞泰卽日帶原領馬步官
兵或由畧陽或由徽縣何處便捷卽由何處入棧
經過廣元出劍閣梓潼一帶迅赴川西順慶潼川
與魁倫併力合擊其龍安一帶昨接魁倫來信將

襲東防堵之事交與阿迪斯又令總兵穆克登阿趕至龍安督率嚴防可以堵截文縣竄匪自能得力甘省之賊我兵緊剿卽或折回川境官兵亦卽尾隨斷不能任其衝突此現在籌辦川省竄匪之情形也又接准台布來信因恐賊匪東竄入豫已赴商州一帶相機迎扼實爲得要臣額勒登保又已咨會台布務於鎮安商州妥爲攔截以堵爲剿萬勿使賊匪竄豫其五郎漢陰一帶尚有竄散餘匪並嚴飭各鎮將等上緊堵剿惟接倭什布來信前竄竹谿之賊已入房縣查該處帶兵大員如總

兵孫清元本係厯經行陣可當一面而賊匪已竄房縣該處路近荆襄必須從歸州巴東與山進兵一路方可合擊現有總兵王凱已撥兵一千餘名追剿不日松筠赴楚臣額勒登保已咨明松筠由陝酌帶兵丁前往剿辦並嚴飭慶溥溫承惠等遇有竄匪務須不分畛域趕緊截殺此又兼籌陝楚之情形也伏查各路賊匪肆意狂竄而狡獪百出隱姓埋名裹脅漸增分合無定若非各路官兵痛加斬戮不足以盡絕根株臣額勒登保那彥成既經合兵一處仰仗

天威唯有和衷協力將此甘省竄匪剋期勦淨彼時或入
陝入川亦必妥商辦理總期及早完事再調任四
川布政使楊揆同慶成帶兵由天梁鎮前來臣等
已將該官兵酌量抽撥交慶成帶領隨同恒瑞進
勦慶成久歷戎行於軍務可期得力其餘官兵俟
廣厚到來交令帶領防堵謹

奏

嘉慶五年二月二十八日軍機大臣字寄奉

上諭額勒登保自初六日到報後旬餘以來未據續有奏
報朕心日深懸盼節經降旨詢問今據奏到籌辦甘省

及陝楚竄匪情形並與那彥成會台商辦且於未奉催
令德楞泰速赴川西諭旨已知會德楞泰此時甘省竄
匪既專交那彥成督剿那彥成惟當照額勒登保籌辦
分擊章程實力截勦務在甘境卽將此股賊匪殲淨不
可再任他竄俟甘省賊匪一經殄滅那彥成卽帶領勝
兵赴川更可迅速蒞功至川下川西地方已被賊匪滋
擾卽甘省分股賊匪被勦緊急越過白水江亦不甚緊
要但能遏其去路勿令竄往龍安不致川西又添竄匪
更爲妥善那彥成不可不倍加奮勉也至德楞泰雖已
起程赴川著額勒登保再行咨催令其迅速行走不可

片刻耽延至經畧印信自仍係額勒登保掌管其欽差
大臣關防著那彥成暫行留用

洮岷之捷附彈劾

嘉慶五年二月二十三日會同經畧大臣額公勒

登保

硃

奏爲官兵在甘省洮岷一帶疊次合力痛殲賊匪並現

在籌辦事竊

臣

前於觀子鎮將派撥官兵分路勦

辦等情具

奏在案嗣恒瑞等帶兵由寧遠前進偕森保等帶兵由

禮縣前進而柳家坡一帶又俱駐有官兵賊匪漸

趨向南不敢窺伺邊境

臣

額勒登保病勢漸已就

欣慰之至

痊可勉力行走當卽會同

臣

那彥成先後移師前

硃 硃

迺以爲策應行至禮縣之石壁地方接恒瑞等來
信有賊一股在嚴家大莊紅岩等處十八日早間
恒瑞慶成等分撥馬步官兵於龍泉溝深都堡等
處追及該匪等竟敢屢撲官兵我軍鎗箭並發立
斃賊匪數十人始行退却我軍乘勝直前追剿五
十餘里約計沿途殺賊三百餘名擒獲一百二十
五名餘匪南竄將獲賊逐加嚴訊內有僞元帥楊

硃 硃

道一名據供湖北襄陽府人係張世龍徒弟此股
賊匪係張世龍與藍號合夥賊衆共有二千餘人
當將該犯及從賊日久者悉行正法其餘新募之

附近居民分別酌給口糧釋放回籍旋又據岱森
保綸布春等呈報十七日在撒子堡偵知大股賊
匪在岷州之石刷里林江舖一帶焚掠臣等一聞
信息先後催趲馳往岱森保與格布舍穆克登布
侍衛噶拉協領五德副將豐伸爲一路由左面之
如意山抄截綸布春桑吉斯塔爾楊遇春同總管
林爾都協領金德副將海常爲一路由右面之二
個山杜家坡直趨林江舖另派副將喜明叅將張
鳳由中路石刷里進發於三更起行天甫黎明右
路兵到杜家坡見石刷里林江舖到處炊烟知爲

賊匪屯聚當卽驅兵繞下林江舖該匪等一見官

可恨之極

兵號召騎馬賊匪及矛手多人排列平川直前抵

拒我軍馬步衝入賊夥箭矛並發斃賊數十名騎

馬之賊順川奔跑矛子手亦卽潰亂奔向毛峪山

右路官兵仍卽緊躡追殺適左路馬隊兵勇從毛

峪山壓下賊見上下均有官兵捨命狂奔我軍鼓

勇追出十餘里詎知賊匪大隊及婦女馬騾駝載

等均在川內維時臣等率領札克塔爾並各路官

兵接踵雲集賊匪勢急丟棄逃竄官兵等奮勇追

殺統查前後殺賊計有七百餘名獲賊男婦三百

殊

三十一名詢出探馬頭梁正剛一名係襄陽人實
係張添倫股中頭目訛得此股係張添倫老營又
與高家營戴家營各股賊匪忽分忽合兼之隨處
裹脅人數更衆隨將梁正剛凌遲處死其餘從賊
已久之犯亦卽正法甫經被擄之甘肅民人豐永
安劉岳氏等一百八十四名口當卽概行釋放獲
有賊轍二個騾馬二百餘頭鎗矛旗幟不計其數
惟侍衛吹札布衝入賊隊被賊矛傷馬該侍衛腰
肋被矛桿打傷是夜四鼓正欲起行猝聞一股賊
匪吶喊前來直撲官兵營盤守備闔成旺帶兵出

殊

向係慈不異死可恨之極

殊

無妨否

營追擊賊匪頭顱被賊截傷把總馬萬清亦被矛

殊

今愈否

傷頗重兵勇俱有受傷者天色將明我兵奮勇齊

出賊匪不能抵敵翻山四竄分兵追勦殲賊三百

餘名生擒七十二名訊知此股卽張世龍等賊匪

因在龍泉溝等處被恒瑞等勦潰奔來希圖乘夜

擊營又稱高馬二姓之賊在瓦石坪等處埋伏該

犯等均係實在賊黨立卽處死二十日臣等在岷

州之官昌會合查官兵疊次獲勝斬戮甚多而

殊

此句効

未得著名賊首尤爲焦憤此時賊匪總在岷階等

處臣等一面飭令會縣保及各將領盡力追勦外

仍卽親自督兵相機截擊合力同心趕緊將甘境

現有賊匪一併掃除再查現在賊匪情形固可無

勉之

慮其轉竄東北而西南之階州文縣等處路通龍

殊

其分

安卽陰平舊道尤須嚴密防備昨據署文縣知縣

史登雋稟報該令於階文接壤之處業經嚴密設

卡晝夜守禦賊犯不能竄過文縣既不能闖入龍

安其龍安之柴門關一帶最爲險要據署龍安府

知府黃爲琳遊擊劉國剛等稟報亦經設卡嚴堵

自可無虞臣查刻下賊匪已經官兵數面兜截惟

西北一帶稍覺空虛已札令廣厚帶兵由鞏昌一

硃

甚好

帶徑赴岷階自北而南探蹤堵剿又接據德楞泰

來信初五日在閭家集汪家川等處督率官兵將

楊開甲王廷詔等股賊匪痛加殲戮共割獻首級

二百一十七顆耳記四百九十五副並獲有偽元

硃

帥陳正甲總先鋒王添元二犯均經訊明正法又

訊出臣那彥成在秀金山剿賊時有受傷落馬跌

斃賊首陳光俊一名此次打仗官兵只有前鋒巴

硃

無妨否

彥泰衝入賊隊射賊二名右肘受傷骨折所有剿

散餘匪已交吉蘭泰追剿德楞泰卽於十二日由

署陽入棧趨程赴川提督七十五亦由營山趕往

川西合之魁倫共有三路重兵該匪定可不致蔓
延近據吉蘭泰呈報該提督所追賊匪已至徽縣
兩當境內臣等又嚴飭上緊截剿並恐其兵力稍
單已將總兵索費英阿所帶之兵統歸管領外又
飭楊揆將所帶之兵一千餘名卽由秦州馳赴徽
縣一帶如遇吉蘭泰卽將官兵併交管領惟吉蘭
泰年力已衰難勝要任已另摺奏請

訓示現在添派新授總兵汪啟前往吉蘭泰一路幫同剿
辦至川省正當軍務喫緊之際省垣應辦之事必
殊

多並飭楊揆卽由棧道趕赴川省任事至甘肅之

糧餉經長麟飭屬趕辦尚能源源接濟恐厯

慈念理合一併陳明再頃接長麟來信敬知欽奉

諭旨令松筠前赴楚北所有陝省糧餉關係緊要著台布
卽行回至漢中實力籌辦其商維一帶防堵事宜著台
布酌量情形或卽令國霖前赴商維防堵等因臣額勒
登保前知松筠應遵

旨前往湖北曾經奏明囑其在陝酌帶官兵前去茲奉

聖諭以松筠赴楚後漢中糧餉事宜需人督辦令台布回
至漢中辦理仰見

聖慮周詳無微不至但聞鎮安五郎一帶尚有賊匪未

硃

恐剛入商雒關係非淺是該一帶必須大員總持

軍務方有裨益臣額勒登保深知國謀於打仗殺

賊未能諸練難以深恃因思恒瑞本係西安將軍

瑞同賊軍失亡官皆其為是汝二人在數千里外與朕同軍饒大臣之意

臣等公同商酌已囑恒瑞即帶原領馬步兵勇三

千餘名山秦州一帶趕赴鎮安五郎商雒等處扼

賊東竄之路儻賊匪深入老林兵力難施即不能

痛加剿殺亦不得令其逸入豫境該處所有鎮將

官兵均歸恒瑞一人調遣其應行奏報事件並請

旨飭令恒瑞自行具奏以專責成於事自更得濟謹

奏奉

硃批感慰慶幸之至別無可諭

嘉慶五年三月初一日軍機大臣字寄奉

上諭額勒登保那彥成奏官兵在甘省岷州一帶疊次合力痛殲賊匪情形一摺又據奏商令恒瑞帶領馬步兵勇三千餘名趕赴鎮安五郎等處勦賊等語覽奏嘉慰已詳悉批示矣此次額勒登保那彥成督率官兵分路截擊多有斬獲賊勢已形窮蹙所辦固好然以數萬官兵殲賊一千餘名尚屬意中之事不可謂之大勝朕所嘉慰慶幸者在伊等令恒瑞帶兵回陝及合力勦賊二端昨據劉之仁奏多爾濟札普在三岔河地方被賊繞出

後路方戰陣亡卽旨諭令額勒登保速令恒瑞帶兵回
陝軍機大臣皆以爲是今額勒登保那彥成在數千里
外與朕前旨不謀而合內外一心大功指日必定告成
伊二人和衷共濟實堪嘉獎額勒登保著賞給大小荷
包白玉搬指白玉鼻烟壺鑲嵌玉火鐮包等件那彥成
著賞給大小荷包瑪瑙鼻烟壺鑲嵌玉帶頭等件用示
獎勵至節次降旨通諭各軍營總以勦清一股勿留餘
孽不得僅注意首逆任聽餘匪他竄若將賊匪夥黨漸
次勦盡則首逆勢孤亦斷難漏網額勒登保那彥成此
次何必以未擒首惡心懷焦急此時惟當趁賊勢就衰

之際併力戮勦總須在甘境將各股賊匪悉數殲除方爲妥善若甘省賊匪殲盡無遺額勒登保那彥成均當帶領各路勝兵徑赴川省與德楞泰魁倫勒保會同勦辦當有一二餘匪未盡或陝省鎮安等處之賊尚在奔竄額勒登保自應赴川那彥成當留於陝省督辦以專責成又本日據溫承惠奏現有勦敗餘匪竄入川境羊耳壩一帶魁倫等俱往川西勦賊川北地面空虛本有餘匪在彼今添此股賊匪竄往雖爲數無多而一經勾合裹脅恐賊數漸增不可不急爲勦盡慶成久歷戎行且前在川省帶兵於該處道路較爲熟悉著額勒登保

等酌派兵丁卽令慶成迅速帶往川北上緊勦辦又溫
承惠係奏軍營情形著額勒登保那彥成通盤籌畫如
察看賊匪一兩月內卽可竣事自不必於他處挑兵遠
來更換儻現兵疲乏者多或戡事之期尚難預必酌添
精銳之兵易換亦屬可行總在相機辦理至所請添調
得力官兵分紮要地以逸待勞及於鄰近省分協撥健
馬等事亦不爲無見著將原摺抄寄一併籌酌具奏至
額勒登保病勢漸已就痊可以勉力行走閱之甚爲欣
慰額勒登保身體素弱今病雖痊愈仍著御醫田廣福
留彼以資調護且軍營有一醫家亦不爲無益至侍衛

福忠阿亦不必回京著留於軍營帶兵可也

嘉慶五年正月十四日軍機大臣字寄奉

上諭楊揆奏畧陽竄匪現已搶渡白水江闌入徽縣一帶
前據松筠奏稱畧陽徽縣兩當地方係吉蘭泰帶兵防
守因賊竄入畧陽邊界吉蘭泰已抵白水江堵禦本日
據那彥成奏吉蘭泰原駐唐藏楊家店等處南距畧陽
尚有三百餘里西距棧道僅數十里專堵陝賊入甘之
境是賊奔竄係吉蘭泰一路闌入朕因吉蘭泰自上年
以來於堵禦事宜頗知出力是以加恩擢用提督今竄
匪由畧陽搶渡白水江闌入徽縣是否該員防堵不力

自應核實辦理著那彥成查明此股竄匪如距吉蘭泰防堵地方較遠不能兼顧尚無不合若賊匪由畧陽一帶奪渡闌入甘境吉蘭泰因所帶兵勇不敷勦堵與賊接仗不能截回竄匪卽使從寬免其治罪亦豈得復邀陞擢那彥成務將以上指出情節嚴密訪查據實奏聞不可因伊現在簡放提督稍存遷就之見也

嘉慶五年二月二十三日會同經畧大臣額公勒登保

奏查吉蘭泰帶兵一千餘名在白水江一帶防堵安肅道瑞亨帶兵一千二百餘名在虞關駐守虞關係

白水江上游瑞亨所駐之處距吉蘭泰所駐地方三十餘里上年十二月二十七日高家營戴家營等股賊匪由虞關搶渡衝破瑞亨營盤闖入徽縣是日有潰出河州西寧兵丁至吉蘭泰處稟知吉蘭泰處以白水江附近尚有賊匪未經救援二十八日復有張家營賊匪由虞關搶渡三十日吉蘭泰始至虞關各路賊匪俱自徽縣分擾秦州成縣禮縣北竄鞏昌府境內吉蘭泰由徽縣一帶追剿未能與賊打仗此賊匪搶渡闖入甘境之實在情形也查吉蘭泰所帶兵力本單賊匪係在虞關搶

渡亦非伊駐守防堵之地但相距僅止三十里賊至旣不能救援賊過又不能追勦似難辭咎且吉蘭泰前隨德楞泰來至軍營察其年力衰邁不能振作非特難勝提督之任卽總兵亦恐非宜謹奏

嘉慶五年三月初一日軍機大臣字寄奉

上諭前因四川竄匪由畧陽闌入嶽縣曾傳諭那彥成查明此股竄匪是否係吉蘭泰防堵不嚴據實奏聞本日據額勒登保那彥成奏吉蘭泰帶兵在白水江上游一帶防堵賊匪由虞關搶渡相距僅止三十里賊至旣不

能救援賊過又不能追勦等語吉蘭泰係提督大員帶兵勦賊自應竭力堵禦乃相距止三十里不往截擊直至賊匪搶渡三日始至虞關以致甘境又滋分擾吉蘭泰實難辭咎本當治以應得之罪姑念吉蘭泰從前在甘省與廣厚籌辦堵勦事宜尚屬認真伊已年老此次白水江竄逸之賊尚非吉蘭泰駐守地方是以姑免治罪但相離甚近不能堵截豈能復勝提督之任吉蘭泰著革去提督加恩賞給遊擊職銜在軍營効力以示懲所有甘州提督員缺著楊遇春補授

嘉慶五年四月初四日軍機大臣字寄奉

上諭此次額勒登保所奏一切籌畫布置事宜俱屬妥協
惟據稱在陝之賊或分或合傳聞人數衆多是目下各
處情形陝省最爲著重現在額勒登保由留壩趕緊進
剿那彥成亦自甘而來不日可會合一處昨經慎瑞奏
兩大股賊匪聚集鎮安一帶業經降旨諭令額勒登保
那彥成長麟台布併力同心認真剿辦額勒登保等或
分投截擊或併力進攻卽在陝省境內辦竣不可復令
折回甘境亦不可復令闖入川省其豫省邊界再飛咨
吳熊光督飭田禾桐等嚴密防禦使賊匪無處奔逸在
陝境一律辦竣纔爲不負委任此時剿賊之事旣責成

經畧叅贊而防堵機宜則係長麟台布專責節次諭旨甚明今據額勒登保奏稱察看地勢堵截賊匪在陝而不在甘須於機道分守要隘等語所見甚是總在長麟台布督率地方文武於各要隘分布兵勇嚴密堵截勿任賊匪衝突卡隘逸出奔逃以便額勒登保那彥成趕上截勦爲一鼓殲擒之計若防堵之鎮將及地方官等稍有疎虞豈特不可寬恕卽當一面鎖拏其情罪尤重者竟應正法示衆以儆其餘至所稱鎮將等帶兵現在何處堵勦未經報到尚不深知一節殊屬非是額勒登保身爲經畧不論何路鎮將俱應聽候經畧指使今鎮

將等帶兵在何處剿賊額勒登保尚未知之何以居中調度耶再所奏無須催調黔兵一節如此更好此項黔兵統歸德楞泰帶領剿辦川西之賊軍威壯盛更可剋期蕲事額勒登保係屬經畧無論在川在陝俱應通盤籌計也又另摺覆奏查明吉蘭泰瑞亨貽悞情形所參甚是惟定擬不免太輕已降諭旨分別示懲矣此等年老及有病各員留於軍營無用若惟事姑息聽其戀棧必至貽悞事機且又身罹罪譴或其人從前曾經出力得功轉至不能保全不若及早奏明或卽令休致或撤回本任豈非兩全之道現在因大兵雲集陝省需用較

多又撥銀四十萬兩併交長麟台布收貯更足以敷應用但不可因帑項充裕遂不加意撙節也

漳縣之捷

附覆奏官兵足用

嘉慶五年三月初一日會同經畧大臣額公勒登保

奏爲追截賊匪不使闌入松潘龍安並於寧遠伏羌境內連日勦賊情形事竊

臣

前在岷州境內將勦賊

情形具

奏在案嗣岱森保綸布春等緊追張添倫等股賊匪從西和一帶前去

臣

等探得高馬二姓之賊先在瓦石坪聞有官兵向兩河口等處逃竄兩河口東南通階州西北通西固一入階州漸近川之龍安若

向西固西竄則又在川之松潘番地均爲可慮

臣

等遂親督官兵趕至兩河口預扼其赴階州之路

該匪等又復翻山竄至西固有直趨松潘之勢

臣

等又趕赴西固迤西攔截賊又折竄衝過土司楊

宗業卡隘由黑峪寺本諸寺向岷州一帶逃逸

臣

等恐尾追無益當卽留兵九百餘名令叅將瑪林

阿帶領由本諸寺一帶跟蹤緊躡作爲聲勢並飭

令署松潘遊擊劉國剛嚴加堵禦將可通松潘小

道盡行挖斷

臣

等仍卽覓道趕回岷州之荔川一

帶迎頭截擊二十九日在漳縣之益家門偵得賊

匪竄過九盤臣等卽四鼓親督官兵趕緊窮追疾

馳一百五十餘里知賊匪已在禮辛鎮附近村莊

擄掠炊食意欲住息當卽派札克塔爾慶成帶兵

爲一路

臣額勒登保又帶兵作爲一路進攻賊匪

猝不及防俱上山梁屯據往來衝壓抗拒適臣那

彥成亦卽帶領侍衛等搶上山梁我兵諸路並進

立斃賊匪三百餘名賊匪奔上山梁滾岩跌斃六

十餘人餘匪翻山四竄我兵追過四重山梁又殺

賊一百數十名時已戌末暫歇兵力隨於次日五

鼓整兵追剿賊匪尙未遠颺

臣

那彥成率同札克

塔爾等行出二十餘里天甫黎明賊匪在何家衢
大山梁上排列馬匹甚多並於各山溝坎埋伏當
督令馬步兵丁分三路進攻臣額勒登保帶領安
福劉瑞豆霽等分路抄截賊匪恃其人衆亦分數
股撲出勢甚兇悍我兵連佔三層山包往來衝壓
賊匪搖旗吶喊慶成帶領馬兵直入賊隊被賊矛
向戳左腿穿透皮衣兩層尙未受傷慶成復帶領
江鼎雅林保楞格青善欽巴圖數人已自山梁斜
上將賊隊衝爲兩截臣那彥成緊督吉林屯練甘
涼兵放鎗連斃執旗賊目數人復督催將領帶兵

一齊擁上賊始敗退維時埋伏之賊左右並起俱經各路官兵分投擊退追殺數十里斃賊九百餘名統計兩日殺斃一千四百名生擒二百六名續又搜獲及民人縛獻者一百餘名搶獲大礮五個師字大旗三桿小旗四百餘面烏鎗刀矛五百餘件騾馬甚多並獲戴花翎偽元帥詹世貴此次打仗將領兵丁均屬奮勉慶成尤爲勇往出衆帶兵實爲得力訊據詹世貴供稱此股賊首係高二馬五合夥並隨處裹脅共有六千餘人原欲向階文一帶潛出川西或從松潘前往屢被官兵追截

始行折回連日打仗傷損不少裹脅之人又皆逃散現無一定去向等語當卽凌遲處死其餘訊明真正賊匪亦卽正法被擄居民馮其何等三百餘名亦卽釋放餘賊俱向寧遠境內奔竄臣等仍卽分兵趕勦以期殲淨此股又綸布春岱森保等兩路追賊前赴西和後臣等輾轉勦賊俱由山僻小路行走未經接有來信一得該員等勦賊信息卽行具奏再臣額勒登保近接德楞泰來信已由廣化昭化劍州一帶趨程前赴川西並據聲稱接魁倫來札知帶兵在潼州鳳凰山劄營德楞泰亦卽

札致魁倫囑其嚴密防堵以扼西赴成都之路一
俟德楞泰帶兵到後卽行併力勦辦計目下德楞
泰已與魁倫會合賊匪當可不致蔓延至臣奉到
諭旨令岱森保前往陝西幫同台布勦賊但查陝省鎮安
商維一帶已經奏明令恒瑞帶兵前往臣額勒登
保此次由川來甘祇帶有兵勇四千餘名合之臣
那彥成所帶兵勇不過七千名刻下分路勦賊已
無餘兵可撥其甘省現在之兵將來只可留以防
邊亦不便酌調其陝省鎮安五郎商維各鎮將所
帶官兵五千餘名合之恒瑞所帶馬步兵勇三千

餘名共有八千餘名以目下情形而論似可毋庸再行添撥現在分路帶兵之員綸布春與穆克登布等爲一路岱森保與楊遇春等爲一路均未在臣等一處應俟岱森保會合時將其所帶馬隊官兵另行派員管領再行遵

旨令岱森保前赴陝西協同恒瑞等剿賊謹

奏

嘉慶五年三月初十日軍機大臣字寄奉

上諭經畧額勒登保叅贊那彥成奏追剿賊匪不使闖入松潘龍安並於寧遠伏羌境內連日殲賊情形一摺覽

奏欣慰甘省高馬二姓竄匪向兩河口等處逃竄經額勒登保等親督官兵扼要堵截趕緊窮追疾馳進擊兩日戮獲賊匪一千四百名生擒賊匪二百六名額勒登保那彥成同心合力連次克捷深爲可嘉著各賞給玉搬指金盒鼻烟壺大小荷包慶成帶兵直入賊隊被賊矛戳透皮衣兩重仍復併力截殺甚屬奮勉出衆著加恩賞給三等侍衛再慶成之弟慶長仍令在乾清門行走慶成倍當感奮自効勉圖奏績至額勒登保等所奏川西賊匪計目下德楞泰已與魁倫會合進擊一節本日據德楞泰奏到在江油一帶殲賊多名連獲大勝

生擒著名首逆陳得俸箭傷再添元鎗斃其弟再添恒而潼河一帶有魁倫督兵防堵東路又阻嘉陵江賊匪無從竄逸本日駐蹕隆福寺明日正當恭謁

東陵而四川甘肅兩處捷音同至此皆仰賴

昊蒼鴻恩

祖

考默佑嘉慰之餘彌深感看來川西已漸次肅清甘境賊匪亦就窮蹙惟陝省竄匪股數尚多且額勒登保等現在甘省勦賊自西逼向東趨賊匪被勦緊急或又折此時通盤籌畫竄陝境並擾及商維一帶亦未可定陝省情形較爲著

殊

軍昨已降旨令額勒登保那彥成會同酌商如甘省之賊已漸潰敗則那彥成當酌帶官兵赴陝督剿若正當乘勝奮擊之時可以一鼓殲淨又不應拘泥昨旨舍垂成之功遽行分兵赴陝致賊匪乘間奔逃復留餘孽其應分應合機宜總在額勒登保那彥成熟籌妥辦也

嘉慶五年三月初一日會同經畧大臣額勒登保

奏爲遵

旨覆奏事竊

臣

等疊次欽奉

上諭具仰

聖主盼捷孔殷凡添兵添勇以及軍中鉅細之事無不悉
操

睿算指示機先臣等跪誦之餘實深欽感悅服之至伏查
現在賊匪分股肆竄以致數省蔓延自非添調兵
丁不足以速行戡事今蒙

皇上調撥黔兵五千名赴川並酌調湖南兵一千或二千
名前赴湖北又令吉慶於廣東挑兵三千名廣西
挑兵二千名以備撥用此時川陝楚甘均在勦賊
而川西誠如

聖諭尤爲緊要次則陝西臣等公同酌商所有廣西兵二

千名從全州至荊州而至巴東歸州卽由水路直
至夔州此項官兵竟應添撥川省其廣東兵三千
名踰梅嶺由水路可達荊州將來或湖北尚須兵
力卽酌留千名如可無須增添則廣東兵仍可儘
數由水路赴陝之興安爲陝省勦賊之用所有山
西兵三千名現奉

聖諭令在蒲州聽候陝省調用伏查山西兵丁不甚得力
或酌留晉省防守似毋庸再行調撥至甘省賊匪
以臣等現有之兵足敷勦辦竟可毋庸增添其各
路原調官兵屢有陣傷亡故久已不足原數前經

勒保奏明更換到來後漸又缺額此外老病傷殘
留於地方調養者爲數不少曾疊飭地方官確查
具報將病已全愈者仍令來營打仗其餘年老傷
殘各兵俱已陸續遣回計有二千餘名又恐該兵
丁等藉故希圖回籍因飭各該省文武大員查驗
以杜規避茲蒙

聖諭

臣

等更當實力一體查辦務期一兵得一兵之用至
鄉勇一項原可得力而各省中有自爲團集各保
身家者無須官給鹽糧但緩急殊不足恃且分鄉
勇各處情形不同如楚北之竹谿竹山一帶均可

如兵丁一律奮勇次則四川各州縣亦能得力如
陝省鎮安一帶多各有寄籍之人能耐辛苦尚堪
應用卽甘省秦州畧陽等處之人亦堪挑募惟五
郎以西人心不齊甘省之禮縣西和等處民人過
於樸魯不能得力此等招募鄉勇全在地方官認
真挑選隨時管教且該勇等旣食鹽糧同一効命
懶惰充數者固當嚴懲殺賊立功者豈可使之稍
有屈抑臣等更當謹遵

諭旨賞罰嚴明俾知激勸又行軍礮位一項當賊匪屯劄
險要之地資其轟擊此時賊匪奔竄無定終日追

勦大礮難於攜帶現在各營隨帶之劈山礮過山
鳥並子母等礮已足應用所有

京營存貯之神機等礮位遠道運送究屬不便似可毋
庸請撥其餘臣等應辦之事亦惟有欽遵

皇上節次訓示妥爲辦理謹

奏

嘉慶五年三月初十日軍機大臣字寄奉

上諭經畧額勒登保奏贊那彥成奏廣西預備兵二千名
應添撥川省其廣東兵丁三千名如湖北可以無須卽
儘數令由水路赴陝之興安協勦一摺廣東廣西官兵

本令預備檄調尚未起程今川省已添調黔兵日內可
以到齊且川西竄匪亦就潰敗不須復調廣西之兵而
湖北境內賊匪尚屬無多其廣東兵亦可不用若令由
水路前赴興安未免紆遠似亦無須調往卽額勒登保
等慮及陝省兵單亦應在甘省酌抽官兵派往協剿豈
必舍近求遠乎且指日川西賊匪辦竣騰出黔兵數千
又可接濟陝省諒無庸向他省復行檄調也

嚴家壩之捷

嘉慶五年三月初九日會同經畧大臣額公勒登保

奏爲_臣等現在分督官兵勦辦熟籌一切緣由並岱森保楊遇春等一路打仗殺賊情形事竊_臣等昨於
寧遠伏羌境內連日勦賊當經

奏明在案高二馬五等股賊匪勦潰狂奔又經官兵緊
追該匪等由寧遠漳縣邊界復折至岷州之巖昌
一帶向南逃逸_臣等於初八日前至角力舖地方
適據署禮縣知縣方聯聚稟稱探得另有一股賊

匪於初三日在該縣之稍裕鎮鐵旗寨往東之寬州鎮及沿河屯劄初四日竄入秦州高橋距秦州八十里等情臣等查各股賊匪屢欲奪路竄往東北西北一帶王廷詔楊開甲辛聰等股賊匪竄至東北隴州等處前經臣那彥成率兵於隴山鎮等處勦殺逼過渭河南岸其高馬二姓等股賊匪竄至西北鞏昌等處臣等於禮星鎮河家衛等處連次痛勦該匪等亦俱過渭河向巖昌南竄是渭河北岸賊氣已靖今西和一帶另股竄匪又從禮縣直趨秦州有竄往東北大路之勢關係匪輕現在

除_臣等所帶官兵外其餘防堵之兵不能恃以勦
賊公同商酌_臣額勒登保帶領穆克登布安福車
森保等兵勇一千六百餘名卽馳赴秦州一帶一
面攔截東北大路一面趕緊勦洗其現由巖昌南
竄之賊_臣那彥成帶同札克塔爾綸布春桑吉斯
塔爾慶成等率馬步兵勇五千餘名仍卽跟蹤趕
勦倘該匪等由禮縣折奔秦州_臣等仍可會合勦
辦又查岱森保楊遇春格布舍等帶領馬步官兵
在成縣巖家壩地方將張添倫等匪斬戮五百餘
名擒獲四百餘名訊明真正賊匪王貴等八十七

名均卽正法其餘被脅難民董自良等二百五十
八名均經釋放卽從成縣徽縣追賊前至鳳縣境
內臣額勒登保已劄調原帶之岱森保楊遇春等
官兵自徽縣之東北前來秦州一帶合剿臣額勒
登保得伊等併歸一路共有兵四千餘名可敷剿
辦竊念臣等合在一處協力同心諸有裨益且聲
威較壯亦得痛加殲賊但刻下賊匪南北分竄臣
不得不分路追擊以目下全局而論臣等通盤籌
畫川西竄匪滋擾固在萬緊而德楞泰早經帶兵
入川近接勒保來信亦已由棧道而進且計新調

之兵

奏明派往川省者共有七千名陸續可到自敷勦辦川中之賊而陝甘兩省形勢在各省中尤關緊要查甘省北距黃河上游可通晉省其西面又與番境毘連陝省則近接楚豫皆賊匪奔竄熟路真正教匪又多楚豫之人且南山一帶西通棧道北近西安山中伏而未起教匪聞亦不少邇日由徽縣兩當擾至草涼驛之賊又已奔往南山若從此鳴張肆竄較之川中尤重

臣等仰蒙

委任日夜躊躇即使肅清甘境亦當以陝省爲各路根本

重地此刻賊踪飄忽或分或合本難預定察核事
勢不得不暫行分路然總在併力勦辦方能得力
假如甘省之賊已淨臣等仍當合爲一處同赴陝
省以固陝豫根本緊要之地一切和衷妥商協力
趕辦庶於全局有濟至賊匪前竄甘省究由邊備
不力不日甘境肅清若仍不預爲戒備此後賊匪
倘再折竄入甘則輾轉追逐伊於何底臣等再四
酌商廣厚帶有官兵三千餘名原令防堵漳縣岷
州一帶若賊蹤已遠此項兵力即可撤至畧陽白
水江擇要堵截所有徽縣兩當等處可通棧道之

路吉蘭泰與汪啟亦在帶兵堵截將來卽當留於
該處駐守此外兵力尚有不敷臣等昨過鞏昌境
內曾面晤長麟已商招募鄉勇令同官兵分駐要
隘認真防範以期嚴密其兵勇應支糧餉責令該
管道府妥協供支不得以該兵勇但事防守稍有
缺乏如此辦理之後仍有賊匪竄入卽將該處文
武官兵卽行據實叅

奏以縱賊之罪罪之若能辦理妥協亦必奏請

聖恩量予鼓勵再臣等身膺統領之寄於官兵等非敢過
於苛刻不加之體恤無如師行日久未免積疲此

時一切亦惟有從嚴辦理以冀迅速集事謹

奏

嘉慶五年三月初九日軍機大臣字寄奉

上諭賊匪擾入川西實由額勒登保冒昧赴甘以致賊匪乘虛搶渡至陝省之賊本係那彥成在彼勦辦乃未能及早勦竣又因甘省有川匪竄入移兵前往而德楞泰復因川西賊情緊急遵旨前往勦辦並經額勒登保催令迅速赴川將陝省防堵事宜委之無能之吉蘭泰既任賊匪由虞關搶渡分擾甘境復致餘匪逼近棧道吉蘭泰又不跟蹤追勦致闖入鳳縣此時甘省賊匪屢經

官兵合力痛勦賊勢已蹙其陝省勦辦賊匪雖有恒瑞帶兵前往究恐未能得力著額勒登保那彥成詳細商酌如甘省勦辦之賊較陝省爲多必須伊二人在彼勦辦自應併力合擊迅速勦淨一同帶兵赴陝若甘省之賊已漸勦敗無須伊二人一同在彼那彥成本係特派督辦陝省之賊竟當酌帶官兵卽赴陝省將各股竄匪上緊勦辦其應分應合總在額勒登保那彥成熟籌妥辦不致顧此失彼爲要至吉蘭泰防堵賊匪種種疎玩貽誤仍著額勒登保詳悉查明據實叅奏

嘉慶五年三月十三日軍機大臣字寄奉

上諭台布奏畧陽沔沔等縣俱有由甘竄入賊匪又楊開
甲分爲兩股一出草涼驛一竄車道河復有另股之賊
由兩當至草涼驛分投滋擾此等竄匪皆因額勒登保
等在甘逼剿賊匪若向西北奔竄則廣厚在彼截剿若
由階文渡白水江該處亦有兵防堵其勢自必東趨陝
境而川北一帶之賊亦不免有闖入陝境者現在陝省
兵少賊多情形甚爲著重且陝甘兩省毘連唇齒相依
本屬一事必俟甘省之賊全數剿淨始行顧及陝省則
陝省賊匪又必至鴟張額勒登保那彥成二人前功頓
棄矣況陝省東面無兵關截西路逼剿愈緊該匪等自

必乘間東竄豈竟聽賊匪等紛紛入陝甚或擾及河南
邊界何所底止乎此時台布因糧餉緊要須在漢中籌
辦祇有恒瑞一人帶兵搜捕恐難得力額勒登保那彥
成務須會同熟商如那彥成能赴陝省督率剿辦固屬
甚善若那彥成不能分身前往亦應於將領中選派勇
幹之員酌撥兵丁令其帶領速赴陝省截擊額勒登保
等尤當乘勝上緊勦辦卽在甘省迅速殲除淨盡勿使
乘間東竄

嘉慶五年三月十七日軍機大臣字寄奉

上諭經畧額勒登保叅贊那彥成等奏分督官兵酌籌勦

辦緣由一摺該處王廷詔楊開甲辛聰等股賊匪經那彥成在隴山鎮剿賊逼過渭河南岸其高馬二姓等股賊匪亦經官兵連次逼剿俱過渭河向巖昌南竄額勒登保等以渭河北岸賊氛已靖而西和一帶另股賊匪從禮縣直趨秦州有竄往東北大路之勢因公同商酌額勒登保帶領兵勇馳赴秦州截剿其由巖昌南竄之賊則那彥成帶領官兵躡踪追剿所辦甚是西和一帶另股竄匪又係何賊摺內未經聲明此股賊匪自必欲與陝賊合夥額勒登保等以川西賊少兵多足敷剿辦而陝甘二省形勢在各省中尤關緊要等語現在川西

渡江竄匪屢經德楞泰在江油梓潼一帶痛加剿殺已獲大勝生擒首逆陳得俸再添元等自無難逃就殲除至陝甘二省情形又以陝爲重甘省次之甘省距黃河上游河通晉省其西面又與番境毗連但計算道路遙遠且該處番衆究係別一種類教匪不能與之聯絡而番情素爲强悍賊匪亦未必敢於前往滋擾陝省則近接楚豫賊股較多且現在西和另股之賊直趨秦州想欲竄往東北與陝賊合夥是陝省情形較甘尤爲著重前屢降諭旨令那彥成酌帶官兵赴陝督剿今額勒登保已分兵馳赴秦州勦辦西和竄匪所見甚是該

處距陝不遠額勒登保將此股賊匪剿淨後竟當帶兵就近赴陝督辦陝境賊匪伊係經畧聲勢更大賊匪自必聞風震懾易於得手惟念陝省兵力較單前此川省所調黔兵已有旨令德楞泰酌留三千其餘卽令阿哈保李紹祖帶赴陝省今川西賊已潰敗此項黔兵額勒登保卽可催令赴陝兼有阿哈保李紹祖二人隨同帶兵自更得力其現由巖昌南竄之賊則專交那彥成剿辦俟甘省賊匪剿淨再行赴陝協剿額勒登保與那彥成諸事和衷共濟朕已深信不疑卽形迹之間亦俱可全行消釋此時陝省情形旣關緊要額勒登保自應與

那彥成分投勦辦一俟秦州賊匪辦竣卽行赴陝不可
又回甘境務與那彥成合爲一處而那彥成旣專辦甘
境之賊亦不必亟欲前赴額勒登保一路以見彼此和
衷但不可因有此旨伊二人又有意分爲兩地總須權
衡事機緩急應分而分應合而合卽朕於數千里外指
示異地一心亦何疆域之限乎至額勒登保旣前赴陝
省那彥成惟當將甘境之賊搜勦淨盡方可赴陝伊若
將未經辦竣餘匪交人接辦豈不又如額勒登保前在
川省時勦賊未竣卽赴甘省致賊匪有乘間渡江之事
耶至甘省賊匪勦竣後其防守事宜則可交與廣厚辦

理廣厚前在甘省堵剿本屬得力嗣因前赴西寧交吉
蘭泰接手以致防範不能嚴密那彥成於甘省剿賊事
畢赴陝時應責成廣厚認真防堵勿令竄賊再行折入
爲要

那文毅公總統陝西軍務奏議卷三